

Spriječavanje deložacija je kažnjivo djelo

Na temelju nedavnih medijskih izvještaja, određena udruženja prijete protuzakonitim potezima koji uključuju i fizičko spriječavanje deložacija. Ovakva se vrsta ponašanja neće tolerisati.

Organizacije koje su uključene u proces realizacije plana za implementaciju imovinskih zakona, OHR, OSCE, UNHCR, UNMiBH i CPRC (PLIP) ponovo koriste priliku da podsjetе građane i udruženja kako u Federaciji tako i u Republici Srpskoj da u Krivičnim zakonima stoji da je ometanje službenika u obavljanju njihove službene dužnosti kažnjivo djelo.

Najosnovnija karakteristika civilizovanog društva je da članovi tog društva prihvataju, da se pridržavaju i poštuju principe vladavine zakona. Bez vladavine zakona na ovom području neće biti ni osnove za dugoročnu političku stabilnost ili ekonomski rast.

PLIP organizacije pozivaju Ministarstva za urbanizam i Ministarstva unutrašnjih poslova da pruže podršku energičnoj i detaljnoj istrazi i krivičnom gonjenju u svim slučajevima u kojima je došlo do navoda o mogućim krivičnim djelima usmjerenim protiv rada Stambenih odjela.

Dosljedna, fer i nepristrana primjena imovinskih zakona je od iznimne važnosti za uspostavu okvira za provođenje ljudskih i zakonskih prava kako onih koji traže povrat svoje imovine tako i privremenih korisnika. Svi nivoi lokalne vlasti imaju pravnu obavezu izvršiti deložacije s ciljem vraćanja imovine njenim punopravnim vlasnicima. Svako ko opstruira javnog službenika u obavljanju njegove/njene dužnosti čini krivično djelo.